



Број/Број: 03-50-1-60-6-4/10
Сарајево/Sarajevo 27.01.2010. godine

ZAPISNIK

6. sjednice Odbora za žalbe građana Parlamentarne skupštine Bosne i Hercegovine, održane 26.01.2010. godine

Šestu sjednicu Odbora za žalbe građana Parlamentarne skupštine BiH sazvaо je predsjednik Odbora, Mate Miletić.

Sjednici Odbora, u svojstvu članova, prisustvovali su: Amela Bašić – prva zamjenica predsjednika, Borislav Radić – drugi zamjenik predsjednika, Danica Berić, Marijan Milićević i Hamida Karčić - članovi, Željko Grubešić – savjetnik u Odboru, te Aida Kreho - privremeni sekretar Odbora za žalbe građana Parlamentarne skupštine Bosne i Hercegovine.

Opravdano odsutan bio je Ermin Pešto.

Sjednica Odbora počela je u 14 sati.

Nakon što je konstatirano da postoji kvorum, predložen je sljedeći

DNEVNI RED

1. Usvajanje zapisnika s 5. sjednice Odbora za žalbe građana Parlamentarne skupštine Bosne i Hercegovine;
2. Razmatranje Prijedloga izvještaja o radu Odbora za žalbe građana za 2009. godinu;
3. Razmatranje Prijedloga radnog plana Odbora za žalbe građana za 2010. godinu;
4. Tekuća pitanja.

Dnevni red je jednoglasno usvojen.

Ad.1. Usvajanje zapisnika s 5. sjednice Odbora za žalbe građana Parlamentarne skupštine Bosne i Hercegovine

Zapisnik s 5. sjednice Odbora za žalbe *jednoglasno je usvojen.*

Ad.2. Razmatranje Prijedloga izvještaja o radu Odbora za žalbe građana za 2009. godinu

Predsjednik Odbora je ukratko izložio sadržaj Prijedloga izvještaja o radu članovima Odbora.

Borislav Radić je predložio da se Poglavlje V. dopuni, odnosno da u posljednjoj rečenici, umejsto tačke stavi zarez i dodaju riječi: “te zaduži Sekretarijat Parlamentarne skupštine BiH da i u narednom periodu nastavi pružati administrativno-tehničku podršku Odboru za žalbe građana”.

Prijedlog je jednoglasno prihvaćen.

Članovi Odbora jednoglasno su prihvatili Izvještaj o radu Odbora za žalbe građana.

Ad.3. Razmatranje Prijedloga radnog plana Odbora za žalbe građana za 2010. godinu

Razmatrajući Prijedlog Plana rada Odbora za žalbe građana za 2010. godinu, članovi Odbora su odlučili da se u Plan rada uvrste sljedeće izmjene:

- a) potrebno je predvidjeti održavanje sjednice Odbora za žalbe građana svaki mjesec, u skladu s Poslovníkom;
- b) studijsku posjetu predvidjeti za mjesec april 2010. godine;
- c) u mjesecu decembru predvidjeti izradu Izvještaja o radu za 2010. godinu, te izradu Plana rada Odbora za 2011. godinu.

Članovi Odbora su jednoglasno prihvatili Plan rada sa predloženim izmjenama i dopunama.

Ad.4. Tekuća pitanja

Pod ovom tačkom Dnevnog reda, Željko Grubešić obavjestio je članove Odbora da je 22. januara za kontakt osobu za saradnju s Odborom ispred EUPM-a, imenovana gđa. Fatima Miletić. Također, dogovoreno je da se u mjesecu februaru dogovori datum održavanja sastanka između članova Odbora i predstavnika EUPM-a.

Također, a u skladu s usvojenim Planom rada za 2010. godinu, administrativno-tehničko osoblje u Odboru zaduženo je da organizira sastanak između članova Odbora i predstavnika Državne agencije za istrage i zaštitu i Granične policije, u mjesecu februaru tekuće godine.

Također, a u želji da se na adekvatan način preciziraju i realiziraju obaveze definirane Planom rada, zadužen je Istraživački sektor Parlamentarne skupštine BiH da izradi istraživanje o tijelima i odborima (komisijama) koje postoje u zemljama u okruženju, a bave se sličnim pitanjima kao Odbor za žalbe građana.

Razmatrajući Zaključak Zajedničke administrativne komisije Parlamentarne skupštine, kao odgovor na dopis sa 4. sjednice (broj: 03-50-1-1034-4-5/09 od 04.12.2009. godine) članovi Odbora su odlučiti formirati tri radne grupe, od kojih će svaka imati zadatak realizirati po jedan postavljeni zahtjev. Planirano je da radne grupe završe s radom do naredne sjednice Odbora.

Sjednica Odbora za žalbe građana Parlamentarne skupštine Bosne i Hercegovine završena je u 15 sati.

Privremeni sekretar
Odbora za žalbe građana
Aida Kreho

Predsjednik Odbora
za žalbe građana
Mate Miletić